

TURG‘UNPO‘LAT OBIDOVICH DAMINOVNING TIBBIYOT
SOHASIDAGI YUTUQLARI

Muallif: Hokimov Bosimjon Shuhrat o‘g‘li
Toshkent tibbiyot akademiyasi 2-bosqich talabasi
Pediatriya stomatologiya xalq tabobat va
tibbiy pedagogika fakulteti
Ilmiy rahbar: Toshkent tibbiyot akademiyasi Yuqumli
va bolalar yuqumli kasalliklar kafedراسi dotsenti,
t.f.d. Raxmatullayeva Shaxnoza Baxadirovna

Annotatsiya. *Maqolada Turg‘unpo‘lat Obidovich Daminovning tibbiyot sohasidagi yutuqlari, shifokorlik kasbi, ilmiy faoliyati va e‘tirof etilgan xizmatlari haqida fikr yuritilgan.*

Kalit so‘zlar: *ilmiy faoliyat, yutuqlar, kasb, tibbiyot, davolash, mehnat, malakali shifokor.*

Mamlakatimizda yuqori salohiyatga ega, jahon miqyosida e‘tirof etilgan olimlar ko‘p. Ular o‘z maktablarini yaratishi, shogirdlar tarbiyalashi lozim.

Sh.M.Mirziyoyev.

Hammamizga ma‘lumki, 2016 yil 30 dekabr kuni O‘zbekiston Respublikasi Prezidenti Shavkat Mirziyoyevning mamlakatimizning yetakchi ilm-fan namoyandalari bilan uchrashuvi bo‘lib o‘tgan edi. Uchrashuvda, bugungi zamon barcha sohalar qatorida ilm-fanni ham yangi bosqichga ko‘tarishdan maqsad esa jamiyat oldida turgan dolzarb masalalarni ilm-fansiz tasavvur etishni imkoni bo‘lmagani bois ilm-fanni va olimlarni har tomonlama qo‘llab-quvvatlash davlatimizning ustuvor vazifalaridan biriga aylangani ham bejiz emas.

Bu boradagi ishlar bugun izchil va tizimli ravishda davom ettirilmoqda. Davlatimiz rahbari Shavkat Mirziyoyevning yaqinda qabul qilingan O‘zbekiston Respublikasi Fanlar akademiyasi akademiklari faoliyatini takomillashtirish va rag‘batlantirish to‘g‘risidagi farmonida mamlakatimiz ijtimoiy-iqtisodiy taraqqiyotida ilm-fanning o‘rnini yanada mustahkamlash, akademiklar faoliyatini har tomonlama qo‘llab-quvvatlash, yuqori malakali ilmiy kadrlar tayyorlash sifatini oshirishni rag‘batlantirish maqsadida bir qator muhim chora-tadbirlar belgilangan.



Turg'unpo'lat Obidovich Daminov 2000-yilda O'zbekiston Respublikasi Fanlar akademiyasi akademigi etib saylandi. Zahmatkash olim o'zining qariyb 60 yillik ilmiy-pedagogik faoliyati davomida Toshkent davlat tibbiyot instituti dotsenti, kafedra mudiri, rektori, Toshkent pediatriya ilmiy-tekshirish instituti direktori lavozimlarida samarali mehnat qildi. Toshkent tibbiyot akademiyasida yoshlarga saboq berib, yuqori malakali kadrlar tayyorlashga munosib hissa qo'shdi.

Turg'unpo'lat Obidovich Daminov o'z ilmiy faoliyatida induktorlarni bolalar kasalliklariga tatbiq etishga alohida e'tibor qaratdi. Xususan, ko'p yillik izlanishlaridan so'ng yangi turdagi benzonal induktor amaliyotda qo'llana boshlandi. Natijada, o'tkir va davomli gepatit kasalligining surunkali shaklga o'tmasligini ta'minlab beradigan asosiy preparat davolash jarayoniga samarali joriy etildi. Mamlakatimizning siyosiy-ijtimoiy hayotida ham faol ishtirok etib, O'zbekiston Respublikasi Oliy Majlisi deputati sifatida samarali faoliyat olib bordi.

Akademik T.Daminovning mamlakatimiz ilm-fanini rivojlantirish yo'lidagi xizmatlari davlatimiz tomonidan munosib e'tirof etildi. U «O'zbekiston Respublikasida xizmat ko'rsatgan shifokor» faxriy unvoni, «Do'stlik» va «El-yurt hurmati» ordenlari bilan mukofotlangan edi. Atoqli olim, mehribon ustoz, kamtarin inson Turg'unpo'lat Obidovich Daminovning xotirasi qalblarimizda hamisha saqlanib qoladi.

Yaxshi niyat, yuksak mas'uliyat, bilimdonlik va professionallik, tabiiy hayo va aql-zakovat bilan uyg'unlik - T.O.Daminovni doimo ajratib turadigan xususiyatlar. Tibbiyot nafaqat Turg'unpo'lat Obidovichning hayoti va taqdiriga jiddiy va uzoq vaqt kirib kelgan. Balki bugungi kunda tibbiyot sohasidagi oilaviy an'anani uning farzandlari - qiz va o'g'illari davom ettirmoqda.

FOYDALANILGAN ADABIYOTLAR RO'YXATI:

1. Ташкентский Педиатрический Медицинский Институт - Официальный сайт“. Tashpmi.uz. 2 - may 2022-yilda asl nusxadan arxivlangan. Qaraldi: 11-may 2022-yil.

2. „О нас“. nefro.uz. 15-may 2021-yilda asl nusxadan arxivlangan. Qaraldi: 11-may 2022-yil.

3. „Скончался почетный профессор ТМА, академик Тургунпулат Даминов“. Uznews.uz. Qaraldi: 11-may 2022-yil.

4. „Республиканский специализированный научно-практический медицинский центр педиатрии “. 20-aprel 2022-yilda asl nusxadan arxivlangan. Qaraldi: 11-may 2022-yil.

